



59507



Mag. St. Dr.

Jellandovius Christophi Quaestio metaphysica

Biblioteka Jagiellońska



stdr0001746

A. D. O. M. G. A.

QVÆSTIO METAPHYSICA

Sub Felicissimis Auspicijs

Magnifici, Clarissimi, & Excellentissimi Domini,

D. M. FRANCISCI
ROLINSKI,

*Philosophiæ & Medicinæ Doctoris ac Professoris, Consulis Urbis
Meritissimi, & Studij Generalis Almæ Vniuersitatis Cracouiensis*

RECTORIS VIGILANTISSIMI.

ƒ N



Amplissimo Confessu Academico,

P E R

M. CHRISTOPHORVM STELLANOWICZ,

*Philosophiæ Doctorem, Artisticæ Facultatis Decanum, publicè ad
disputandum*

PROPOSITA.

In Aula Diuorum Jagellonum,

Lectorio DD. Theologorum.

Anno reparatæ Salutis M. DC. LVIII. Die. 9. 96. Hora. 14

C R A C O V I Æ,
In Officina Viduæ & Heredum Francisci Cezari, S. R. M. Typog.

7 N S T E M M A
ILLVSTRISSIMÆ ZEBRZYDOVIORVM
F A M I L I Æ.



59507^{III}

Instaurate acies! reboet clangoribus æther
Mars tuus ad bellum, docta Stagyra ruat.
Ecce Futura parant mox Contingentia, dextras
Conferere! in medio, stat Cataphractus eques.
Fer modò signa Patrone! venit Victoria Cælo,
Suppetias nōrunt, hæc sacra Signa, sacras.

ILLVSTRISSIMO ET MAGNIFICO
 DOMINO,
 D. MICHAELI
 AZEBRZYDOWICE
 ZEBRZYDOWSKI,
 SUPREMO REGNI ENSIFERO,
 Lanckoronensi, Sniatinensi, &c. &c. Capitaneo,
 Domino suo Fauentissimo.



*D*auspicatissimum futuræ Pacis præsagium, tripudiantibus Musis, post eiectum ex Vrbe & Orbe Polono Sueticum Martem, etiam me veluti Atyn elinguem silere non decuit Illustrissime Domine: non modò, quòd pace exoptata, cum reliquis Ciuibus Regni, perfrui videamur omnes, sed quòd Dei beneficio singulari, Serenissimi Regis Nostri victricibus armis, Ordinum Amplissimorum consilijs, mutos olim, contingit postliminio loqui. Dolebat enim, vehementerq̃angebatur Academia; cùm videret, se non in eodem statu, in quo antea fuisset, esse relictam; nec sibi persuadere patiebatur, versari se tutò posse, in Philosophiæ arcanis enodandis, authoramento pacis, & tranquillitatis publicæ fructu, cuius Musæ pedissequæ sunt, omnino destituta. Ergo iam reuiuiscantibus illis, ad bene de omni Rep. sperandum, quasi signum aliquod, Reip. Lumina! extulistis omnibus: mihi verò præcipuè, Tuarum Illustrissime Dñe, virtutum, ac meritorum magnitudinem, hucusque suspicienti, hodie in pu-

blico easdem propalandi occasionem, ianuamque aperuisti. Quare
venerabundus ad signa beneuolentiæ expansa accedo, Vexillumque
Illustrissimæ Dominationis Vestræ, in Templo Honoris miraturus;
Quæstionem de Futuris Contingentibus, quorum scientia soli Deo
propriè, Creaturis autem, ex ipsius tantum reuelatione, tribuitur,
ad maiorem eiusdem claritatem, sub Patrocinio Armorum ZE-
BRZYDOVIANORVM, ventilandam affigo. Mirabar ego
magnopere antiquitatem, cur ariolos, Coniectores, haruspices, auspi-
cia, diuinationes, tantopere obseruârît; ut nec Urbem Orbis Do-
minam, Romulus condiderit? nec Imperia adierint alij? nec Græ-
cia colonias unquam miserit, in Aetoliam, Ioniam, Asiam, Siciliam,
Italiam, sine Pythio, Delphicoque, aut Ammonis oraculo? nec ad-
extremum, quicquam, publicè, domi, aut foris, sine iisdem gestum
fuerit? Sed causa sustulit admirationem patefacta. Quòd illi hac
obseruatione, duos quasi scopos, religionis & pietatis, propositos esse
voluerint: Vt qui nimirum veri Dei cognitionem ignorarunt, vir-
tutisque splendorem, non satis, mente per incredulitatem excæcata,
cognouerunt, anili obseruantia, religionem in Deum, pietatem in
factis, raro exemplo testarentur. A mea opella Philosophica,
gentiles procul abeste Historiæ! Non enim ex Assyriorum, Chal-
daeorumue, aut Ægyptiorum obseruatione deducta est, sed ex veris,
orthodoxæque religioni proximis confecta firmitatibus, in Vexillo
Zebrzydouiiano, antiquam religionem, fidem, virtutes, merita,
& præclara facinora suspiciendo, veneratur. Maximus Philoso-
phorum, Maximo Regum sæpius inculcabat: Quòd vetus & à
Maioribus acceptus hominibus sit sermo; Omnia à Deo, & per
Deum, nobis esse constituta. Quidni hæresim proculdubio saperet
is, qui Illustrissimæ Zebrzydouiiorum Familiæ, simile quid
ingeminare auderet? Quæ à prima sui origine, Stemmata Gentilitio,
sub

sub Boleſlao Audace condecorata, non ſuſcepit duntaxat & coluit,
ſed intulit religionis zelum. Quid enim commemorem **FABIA-**
NVM Zebrzydowski fontem ſicut Familiae, ita religionis Ze-
brzydouiianae? Quid **A N D R E A M** auitae pietatis decus?
Qui literarum & experientiae titulis tantum perfecit, ut in Epi-
ſcopatu Camenecenſi, propter admirabilem Eloquentiae vim, legatio-
nis munere ad Imperatores fungeretur: quem merita ad Chelmen-
ſem promouerunt, virtus Cuiuienſem contulit, ac tandem pruden-
tia & authoritate plenum, in Cracouienſi collocauit. Quid refe-
ram munificam liberalitatem, in Cœnobiis Religioſae Diui Franciſci
Familiae inſtaurandis? in Hoſpitalibus, pauperum egeſtati ſubleuan-
dae conſtruendis? in Baſilicis Templisque pro cultu Diuino erigen-
dis? Teſtis eſt Eccleſia, adeoque ipſum Hoſpitale Zebrzydoui-
enſe, magno ſumptu, maiori liberalitate, maximo affectu, ægrotis
curandis, extructum, dotatum, conſecratum. Teſtis ſtupendus æ-
dificijs ſumptuoſiſſimis, clarus miraculis, admirandus deuotione, ce-
leberrimus frequentia Chriſtianorum vndique confluentium, **IESV**
CHRISTI Nomini dicatus, Caluariae locus. Illuſtriſſimus enim
NICOLAVS Zebrzydouiſ Palatinus Cracouienſis Auus
Tuus omni æuo memorandus, cum ſibi omnia à Deo & per Deum
credita eſſe intelligeret, eidem in acceptis referendo omnia, & ſe
totum, dimidiumque bonorum ſuorum elargiens, quantum religioni
deberet, in hoc loco demonſtrauit. An verò **IOANNES** Ze-
brzydouiſ Enſifer Regni Supremus, Parens Tuus Illuſtriſſi-
mus, pientiſſimam cogitationem non compleuit? Imò etiam adauxit.
Tu iam Illuſtriſſime Domine, cuius pietatem, vitam, actiones, o-
culis penè cernimus, in partem huius religionis, dicam aperte, in
argumentum pietatis, Te mihi meritò videris offerre. Qui incre-
dibilibus impenſis, partim exornando picturis exquisitiſſimis, partim

B

colla-

collapsa ædificia reficiendo, partim celeberrimi Templi & Monasterij mœnia ampliando, zelum zelo, & pietatem pietati Ecclesiasticæ accumulas. Iam verò meritis bellicæ laudis in sago partæ, quæ potest par oratio inueniri? Præteribo consultò IOANNEM Castellanum Osuecimensem. Non commemorabo NICOLAVM hæreditate Wiczborsciana felicem. Sileri patiar ALBERTVM & BARTHOLOMÆVM Palatinum Brestensem. Tacebo GASPARVM & ANDREAM strenuum in Moschouia bellatorem. Non recensebo FLORIANVM Castellanum Lublinensem, toga & sago clarissimum, ad castrum Neuelsense, Supremum Exercitus Regni Ducem, quadraginta millium Moschorum internectione laudatissimum. Illustrissimos iterum, NICOLAVM Auum Tuum, & IOANNEM Parentem, nec possum, nec deo præterire. Quorum ille in Moschouiticis expeditionibus, Maiorum merita, propria virtute illustrando, ita Principis animum demeruerat, vt summis honoribus, ac dignitatibus primariis in Republica ornaretur: hic Bellonæ & Palladis alumnus, in bello Valachico, Moschouitico & Prussico, strenui propugnatoris; in Iudicio Tribunalitio, prudentissimi Marschalci nomen fuit consecutus. Fulgebat semper & fulget hodie, sub Vexillis Zebrzydouiæ, iustitia, modestia, probitas, clementia, fortitudo, prudentia, quarum claritate splendebant Tyaræ, sellæ curules, & Tribunitiæ potestates. Verùm in Te Illustrissime Domine, longè splendidius, expressa refulgent, cùm auita tum paterna virtutum ac meritorum simulachra. Quis obsecro Te ex animi magnitudine Themistoclem non appellabit? Qui præclare factis Maiorum Tuorum, veluti ille trophæis Miltiadis, Te è somno excitari, sæpius demonstraisti. Quis ob amorem Patriæ Codrum & Horatium non dicet? Qui non modò sumptui ad campos Pilauecios, Zborouios, ac Bere.

ac Berestecenses, expeditione suscepta, non pepercisti, sed etiam Kostkouianis machinationibus, Te vitamque Tuam, ad Czorstinum, animosè obiecisti. Quis propter singularem prudentiam, Solonem non censebit? Qui peregrinationibus Europæis, linguarum peritiâ, Historiarum lectione, adeo clarus es, ut altera rerum visum, altera experientiam incredibilem, utraque prudentiam admirandam, Tibi peperisse videatur. Suspexit eximias Tuas dotes Tuumque animum ad Heroica quæque natum, S. R. Maiestas Dominus Clementissimus, cum regimen totius exercitus in Palatinatu Cracouiensi aliis prætermisiss, Tibi pleno iure contulisset. Quâ præclara tunc, & quàm fausta illius exordia: imò faustissima. Præsidium Sueticum, miris artibus, & nouo Tuo Illustrissime Domine stratagemate, per Generosum Dominum IOANNEM Zarzecki Vicepræfectum Tuum, tanquam instrumentum, subito elusum, intra triduum ad deditionem coactum est. Quàm gloriosa media! Cum tot captiui Sueci, in arce Lanckoronensi seruarentur, toties fusi fugatique, Tuo se arbitrio submiserunt, ita ut nihil auderent, nisi quod Tuæ Clementiæ iudicio firmaretur. Sed ô crudelis inuidia! ô Tyranne ex insidijs liuor! Tune vesana proles, ex Illustrissimo Regni Ensifero triumphare voluisti? Errasti mehercule. Etenim qui per te consequi, tum temporis, nihil potuit, hic ad latus Serenissimi Regis constitutus, non secus atque ad Kumeyki olim nostrâ memoriâ, contra Kozakos, mereri de S. R. Maiestate, de liberis, fortunisque communibus, properauit. Gaude igitur Illustrissime Domine, gaude inquam hac Maiorum Tuorum gloria, & proprijs frui virtutibus. Si verò Tuarum virtutum ac meritorum, de Ecclesia, patria, & Academia, magnitudo, in hac schedula comprehendi non potest, tanquam prudens, grauis, modestus, mihi que fauentissimus Censor, ignosce. Erubescit charta,

*Entibus Metaphisicis insignita, ad Tuum amplissimum compare-
re conspectum; sed Tua singularis inuitat eruditio, ut speculatio-
nem Philosophicam, animo recreando per necessariam, ad se iure quasi
proprio, trahere videatur. Fateor exiguum esse quod offertur;
Tuo tamen ingenio, atque occupatione, ad doctrinam Christianam
propagandam, ad arcana Theologiæ referanda, ad Hæreticos Ze-
nonistas, omnia necessitate absoluta agi asserentes, quasi malleo tun-
dendos, dignum esse existimaui. Non dubito igitur Illustrissime
Domine, quin Te Alexandrum præstes in suscipiendo: Ille ex præ-
da Dariana, Homeri carminibus, scrinium reservari iussit: Tu ex
amore in literas, & literatos, Tui Vexilli splendore illustratam
opellam, sub eodem militare permitte, eandemque sinu benigno atq;
liberali complectere, à me, si Deus vitam, annosque feliciores con-
cesserit, maiora expectaturus. Viue felicissimè & diutissimè, fu-
turum sperans, ut successore, in quo decus patriæ, Tuus proprius
sanguis, antiquitatis specimen reluceat, augearis.*

Ita precatur & vouet

Illustrissimæ Dominationi Vestræ deuotissimus

*M. Christophorus Stellanowicz, Philosophiæ
Doctor, Artist. Facultatis Decanus.*

QVÆ.

QVÆSTIO METAPHYSICA.

V. Effectus futurorum contingentium, non solum ab efficaci voluntate Dei, sed etiam à proxima Causa, vel ab aliquo immediato principio causabiles; tunc quando sunt, necessarij, vel contingentes dicendi; eorumque propositiones in materia singulari, determinatæ veritatis aut falsitatis esse possint, nec ne?

CONCLUSIO I.

PRÆter necessarios effectus, dantur contingentes, tam in rebus naturalibus, quàm in moralibus actionibus.

COROLLARIA.

I. *Non sunt immunes ab Hæresi, qui omnia ex necessitate fatali & absoluta, prouenire existimant.*

II. *Ex infallibili scientia Dei, non est inducenda necessitas, propter evitanda absurda in Theologia, atque etiam in Philosophia, tam naturali, quàm morali.*

III. *Cum Diuina præscientia optimè stare possunt effectus contingentes, sine ulla destructione, aut dependentia vnius ab altero.*

C

IV. Præ-

IV. *Præscientia Diuina, ad effectus contingentes, habet se omnino extrinsecè, & non mutat causas rerum, sed solum scit & intuetur.*

V. *Actiones & influxus corporum Cælestium, ab his inferioribus contingentiam non auferunt.*

CONCLUSIO II.

Futurorum Contingentium prima radix est, efficacia Diuinæ voluntatis, siue virtus Dei potentissima, in genere causæ efficientis.

COROLLARIA.

I. *Materiæ potentia, indifferens ad esse, & non esse, excluditur à Causis futurorum Contingentium.*

II. *Efficacia Diuinæ voluntatis non concurrir ad effectus contingentes, tanquam Causa contingens, sed prout dicitur esse causa contingentium, ut una est causa efficacissima, dans rebus virtutem, modum, & effectum.*

III. *Non est absurdum modificari actionem Causæ primæ, ad modum secundarum, ex sua electione passiue, & in genere Causæ materialis.*

IV. *Quamuis motus Causæ primæ, necessariò influat in hæc inferiora; tamen effectus modificati, ad modum Causarum secundarum, erunt contingentes.*

V. *Non prius intuetur effectum Causa prima, quàm modificetur in secunda: Sicut Sol non prius intuetur fructus, quàm modificetur in arboribus.*

CONCLUSIO III.

Etiam causa aliqua inferior, est proximum principium & materiale Futurorum contingentium.

COROLLARIA.

I. *Causa inferior Contingentiæ immediata, est virtus languens, seu (ut alii loquuntur) defectibilis horum inferiorum; atque etiam libertas arbitrii.*

II. *Non sequitur quòd posita quacunque causa necessaria, effectus sequatur necessariò: licet enim Deus esset causa necessaria, lectio tamen erit effectus Contingens.*

III. *Cæli tanquam Causæ inferiores, siue mediatè, siue immediatè influant; ab utraque tamen actione eorum, erunt effectus Contingentes.*

IV. *Actio Cælorum recipitur in inferioribus secundum conditionem eorum.*

V. *Ex*

V. *Ex parte agentis Cali, non totalis sed partialis, in quantum à diuersis stellis, diuersæ promanant actiones, datur contingentia.*

CONCLUSIO IV.

Futura Contingentia, quando actu sunt, nullo modo necessaria simpliciter dicenda, sed contingentia ex sua natura.

COROLLARIA.

I. *Necessarium est, quod nullo modo potest non esse: Contingens verò quod potest esse, & potest non esse.*

II. *Nullam inuoluit contradictionem, dicere aliquid esse & non esse; vel posse esse, & non posse esse.*

III. *Illud Aristotelis effatum: Omne quod est, quamdiu est necesse est esse, currit de necessario ex Hypothesi.*

IV. *Contingens quod est actu, est necessarium ex Hypothesi.*

V. *Necessarium & Contingens sunt differentia Ens in communi diuidentes: si tamen necessarium ex Hypothesi, & contingens suapte natura intelligatur, non erunt contraria.*

CONCLUSIO V.

Propositiones Futurorum Contingentium in materia singulari, neque sunt determinatè veræ, neque determinatè falsæ, sed possunt esse veræ, & possunt esse falsæ.

COROLLARIA.

I. *Eiusmodi propositiones, quæ non dependent ab aliqua de præterito, neque ab ea inferuntur, similiter se habent ad veritatem & falsitatem.*

II. *Nullam habent veritatem aut falsitatem determinatè, propositiones de præterito, à Causa variabili atque mutabili dependentes.*

III. *Hæc propositio de futuro Contingenti: Deus dixit AntiChristum futurum, habens causam inuariabilem, est determinatæ veritatis.*

IV. *Oracula, fidei mysteria, prædictiones Prophetarum, semper fuerunt determinatæ veritatis.*

V. *Licet neutra pars Contradictoriarum singularium sit determinatè vera vel falsa; tamen sub disunctione altera pars est vera, altera falsa, nobis ignorantibus, num hæc sit vel illa?*

Iuncta vides Vexilla Cruci? Coniunctio firma est.
Signa ferunt pacem, Crux mala cuncta fugat.



Permissu Magnifici Domini RECTORIS.





